



Adresa: Ul. Hamdije Čemerlića br. 39a
71000 Sarajevo
<http://www.voda.ba>

tel. +387 33 726-400
fax. +387 33 726-423
e – mail: info@voda.ba

Broj: UP-1/21-3-40-439-5/22

Datum: 27.10.2022. god.

«Agencija za vodno područje rijeke Save» Sarajevo rješavajući po zahtjevu „KARAŠIN KOMERC“ d.o.o. Bugojno s sjedištem u naselju Čaušlije bb, općina Bugojno za izdavanje vodne dozvole za ispuštanje oborinskih, onečišćenih voda i aktivnosti koje mogu imati specifične uticaje na vode u toku rada kompleksa za rezanje, obradu i sušenje drvene građe, na osnovu člana 139. stav (1) Zakona o vodama («Službene novine Federacije BiH», broj 70/06) i člana 218. stav (2) Zakona o upravnom postupku («Službene novine Federacije BiH», broj 2/98, 48/99 i 61/22), d o n o s i

ZAKLJUČAK

Odbacuje se zahtjev pravnog subjekta „KARAŠIN KOMERC“ d.o.o. Bugojno za izdavanje vodne dozvole za ispuštanje oborinskih, onečišćenih voda i aktivnosti koje mogu imati specifične uticaje na vode u toku rada kompleksa za rezanje, obradu i sušenje drvene građe zbog neispunjavanja obveza iz prethodno izdane vodne dozvole oznake UP-1/25-3-40-282-5/21 od 14.09.2021.god., i smatra se kao da nije ni podnesen.

Obrazloženje

Pravni subjekt „KARAŠIN KOMERC“ d.o.o. Bugojno, s sjedištem u naselju Čaušlije bb, općina Bugojno, dana 29.08.2022. god. podnio je zahtjev za izdavanje vodne dozvole za ispuštanje oborinskih, onečišćenih voda i aktivnosti koje mogu imati specifične uticaje na vode u toku rada kompleksa za rezanje, obradu i sušenje drvene građe.

Uvidom u dokumentaciju koja je dostavljena, uz zahtjev, za izdavanje vodne dozvole kao i terenskim uviđajem obavljenim 24.10.2022.god., uz prisustvo vlasnika Omer Karašina utvrđeno je da nisu ispunjeni uvjeti iz prethodno izdane, vodne dozvole br. UP-1/25-3-40-282-5/21 od 14.09.2021.god., izdane od AVP Sava a koji se odnose na točku 3.navedenog rješenja i to:

3.1 *Da, za vrijeme trajanje ove dozvole, korisnik prilagodi stanje odvodnje oborinskih i tehnoloških voda kao i njihov tretman shodno izrađenoj dokumentaciji „Glavni projekt prikupljanja i tretmana tehnološke otpadne vode kao i oborinskih voda sa manipulativne površine“ izrađeno od ovlaštenog poduzeća „EDI-ING“, d.o.o. D.Vakuf, šifra projekta 21/08KK/1 iz 8/2021.*

3.3 *Da korisnik navedenih objekata za vrijeme trajanja ove dozvole, osigura da se otpadne vode iz postrojenja za rezanje i sirovih trupaca kao i pogona za sušenje izrezane građe nesmetano sakupljaju i odvede do objekata predviđenih za tretman otpadnih voda-sustava taložnika i separatora ulja i masti s ispuštom u upojni bunar. Ispuštena voda iz separatora masti i ulja mora biti sukladna Uredbi o uvjetima ispuštanja otpadnih voda u prirodne recipijente i sisteme javne kanalizacije («Sl. novine Federacije BiH», broj: 26/20 i 96/20).*

Razlog zbog kojeg je, navedena, vodna dozvola dana na rok od jedne godine dana je nepostojanja sustava za odvodnju oborinskih voda kao i njihov tretman što je potvrđeno izlaskom na terenski uviđaj (Zapisnik o uviđaju Broj: UP-1/21-3-40-439-5/22 od 24.10.2022.god.) kao i Izvještajem o monitoringu kvaliteta i kvantiteta otpadnih voda pogona „KARAŠIN KOMERC“ Bugojno br. 1250/21 iz 8/2021.god., izrađen od „Inspekt RGH“ d.o.o. Sarajevo, gdje je utvrđeno je da parametri ispitane otpadne vode na mjernom mjestu E1 ne zadovoljavaju propisane granične vrijednosti.

Izvještajem o monitoringu kvaliteta i kvantiteta otpadnih voda pogona „KARAŠIN KOMERC“ Bugojno br. 1201/22 iz 9/2022.god., izrađen od „Inspekt RGH“ d.o.o. Sarajevo, koji ste predali uz zahtjev za izdavanje Vodne dozvole. Također je utvrđeno je da **parametri ispitane otpadne vode na mjernom mjestu E1 ne zadovoljavaju granične vrijednosti propisane Uredbom o uvjetima ispuštanja otpadnih voda u prirodne recipijente i sisteme javne kanalizacije («Sl. novine Federacije BiH», broj: 26/20 i 96/20 prema prilogu 1, tabela 1.1).**

Pored navedenog, terenskim uviđajem je utvrđeno da u predmetnom kompleksu izgrađeno i instalirano postrojenje za proizvodnju peleta koje nije obuhvaćeno zahtjevom za izdavanje Vodne dozvole kao ni dokumentacijom koja se odnosi na prikupljanje i tretman otpadnih voda („Glavni projekt prikupljanja i tretmana tehnološke otpadne vode kao i oborinskih voda sa manipulativne površine“ izrađeno od ovlaštenog poduzeća „EDI-ING „ d.o.o. D.Vakuf, šifra projekta 21/08KK/1 iz 8/2021.) kao ni Izvještajem o monitoringu kvaliteta i kvantiteta otpadnih voda pogona „KARAŠIN KOMERC“ Bugojno br. 1201/22 iz 9/2022.god., izrađen od „Inspekt RGH“ d.o.o. Sarajevo.

U skladu sa navedenim, a prema članu 139. stav (1) tačka 3. Zakona o vodama («Službene novine Federacije BiH», broj 70/06) i članu 218. Zakona o upravnome postupku («Službene novine Federacije BiH», broj 2/98 i 48/99 riješeno je kao u dispozitivu ovog zaključka.


Uputa o pravnom lijeku:

Protiv ovog Zaključka može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Zaključka.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obradivač akta:

Marko Barić, dipl.inž.građ.

Po ovlaštenju
Rukovodilac Sektora za izdavanje vodnih akata

Haris Ališehović, dipl.ing.građ.

Dostaviti:

- „KARAŠIN KOMERC“ d.o.o. Bugojno, Čaušlije bb, općina Bugojno.
- AVP Sava, ISV-vodna knjiga,
- Sektor 40 – arhiva
- Sektor 50
- Oglasna ploča AVP Sava